



KWAZULU-NATAL PROVINCE
SPORT, ARTS AND CULTURE
REPUBLIC OF SOUTH AFRICA



Umphakathi wase-Mbumbulu ushebe ingoma nezempilo



LINDOKUHLE NGCOBO

UBEYIMPUMELELO umcimbi obizwa nge-Ingoma yaseMbumbulu obuseSizakala Sport Ground eMbumbulu eningizimu neTheku, NgoMgqibelo womhlaka - 4 May. Lomcimbi obuhlelwe uMnyango wezeMpilo kuZwelonke ngokubambisana noMnyango wezeMidlalo, ezobuCiko namaSiko KwaZulu-Natal. Inhloso yalomcimbi bekubungaza inyanga kaNhlaba okuyinyanga yezwekazi i-Afrika kanye nokugubha iminyanga engu-30 elakuleli lathola inkululeko.

Ekhuluma uNgqongqoshe wezeMidlalo, ezobuCiko, namaSiko KwaZulu-Natal uDkt Ntuthuko Mahlaba ngesikhathi ethula iPhini likaNgqongqoshe Wezempilo kuZwelonke uDkt Sibongiseni Dhlo, uthe kulomcimbi balethe usizo lwezempilo kubantu kanye nengoma ekwazi ukubumba abantu bebemunye.

“Inkululeko isho ukuthi siyahlangana senze okungokwethu kobu-Afrika okuhlanganisa thina kuphinde kujabulise thina. Intando yeningi isho ukuthi siyavunula kanjena ngaphandle kokuqalaza ukuthi ubani uzothini” kusho uMahlaba.

UDkt Sibongiseni Dhlo uveze ukuthi Inkosi yeseMbo yacela isibhedlela endaweni yaseMbumbulu, wathi leso sibhedlela sizokwakhiwa ngoba abantu bakulendawo baningi bathwale kanzima njengoba besebenzisa iPrince Mshiyeni Hospital eseMlazi.

“Amakhosi asikhombisa indawo okumele kwakhiwe kuyo isibhedlela sekusele kithi singuhulumeni, Dokotela uMahlaba ngiyacela ufike uyibeke lendaba kuhulumeni wesifundazwe ukuthi nathi siyasidinga isibhedlela sangakithi eMbumbulu.” Kusho uDhlo.

Injabulo emukelwa ngezandla ezimhlophe owesifazane wakuleli



LINDOKUHLE NGCOBO

UHLANGATSHEZWE ngenhlonipho owesifazane omncane uVuyisile Jaca eneminyanga engu-25 oqophe umlando wokuzungeza umhlaba ngesikebhe, ngenkathi ebuya kuleli esikhumuleni sezindiza eKing Shaka International Airport eThekwini, NgoLwesithathu womhlaka-1 May.

UMnyango wezeMidlalo ubuCiko namaSiko KwaZulu-Natal oholwa nguNgqongqoshe uDkt Ntuthuko Mahlaba ngokuhlanganyela noMasipala waseThekwini oholwa IMeya Khansela Mxolisi Kaunda bakubone kumqoka ukwamukela uVuyisile ngefudumalo njengoba ebeke izwe laseNingizimu Afrika ebalazweni. uJaca ubengumuntu omnyama wokuqala

eMzansi Afrika ukubayingxenywe yabaphume phambili emdlalweni obizwa nge-World Ocean Globe Race.

Lona wesifazane owafunda kwaMashu uchithe izinsuku ezingu -154 olwandle, wahamba ibanga elingu - 46 146. 33 KM.

Kulezinyanga eziyisishagalombili uVuyisile ubhekene nezimo ezahlukene endleleni yakhe ngokwesimo sezulu, njengoba abhekene nokuduma kwezulu okunamandla kanye namakhaza ashubisa umnkantsha, lokhu obunomthelela wokuthi abuye abekuthaka. UJaca nethimba lakhe elinabagwedli abavela e-Italy, India, United States, England, Antigua kanye nase-Afghanistan bakwazile ukuphuthula loluhambo olukwazi ukushintsha izimpilo zabantu.

Abashayisibhakela bakuleli bathole isifundo kowe-Mandela African Boxing Cup

LINDOKUHLE NGCOBO

BAGCULISEKILE ngokunqoba izindondo zethusi abashayisibhakela besifazane abebemele iNingizimu Afrika ngaphansi kwenhlangano yesibhakela i-South African National Boxing Organisation (SANABO) emqhudelwaneni iMandela African Boxing Cup ebihlelwe i-African Boxing Confederation (AFBC) ngokubambisana nenhlangano i-International Boxing Association (IBA). Lomqhudelwano ubuse-INKosi Albert Luthuli International Convention Centre eThekwini, kusukela NgoLwesithathu womhlaka-17 April waphothulwa NgeSonto lomhlaka-21 April.

Labashayisibhakela besifazane uNtandoyenkosi Ncube (21) kanye noNtandoyenkosi Msweli (19) kanti bobabili badabuka endaweni yaseMtuba enyakatho neTheku, baphume indawo yesithathu

kulomcintiswano wesibhakela omkhulukazi, bathola umklomelo wethusi kanye nemali engango-R28 000 umuntu ngamunye.

uNtandoyenkosi Ncube washawo nguNyembo Mjamba Gisela wase-Democratic Republic of Congo empini eyandulela owamanqamu i-Elite women 50 - 52 kg FLY. “Ngijabule kakhulu ngokuphuma isithathu ngoba angivele ngafika kalula kukhona ababili engabahlala ngaphambi kokuthi ngifike lapha. Kuyangijabulisa ukuthola indondo yethusi nakuba sekunesikhathi ngayigcina sengajwayela ukunqoba indondo yegolide neyisiliva ngiyayamukela ngoba lomqhudelwano ubumkhulu unamazwe amaningi avele ezwenikazi i-Afrika, ukunqoba indondo kuyinto enkulu kimi.” Kusho uNcube.

Wathi akufunde kulo mqhudelwano wesibhakela omkhulukazi ukuqikelela indlela yokuzivikela ngob’abehlule-



li bayashesha ukuqeda impi uma uke washayeka kabi ebusweni. Lokhu kwenzeka kuye uNtandoyenkosi (Ncube) ngesikhathi ebhekene noNyembo lapho ijaji liqede impi ngoba libone sengathi ushaye kabuhlungu.

“Bengithi sengikwelinye izinga ngesibhakela kodwa kulomcintiswano ngibonile ukuthi kusekuningi okumele ngikulungise njengoba ngifunde okuningi nakuwe, ezinye zezinto ebengizibheke kakhulu lapha ukuzothola ulwazi olusha

ngesibhakela.” kusho uNtandoyenkosi Msweli ngemuva kwempi yakhe ye-Elite Women 67.7 kg light middle no-Dos Santos Alcinda Lucas waseMozambique.

Eqhuba uMsweli uthe ujabule ngokunqoba indondo yethusi kanye nolwazi alutholile kulomqhudelwano, wathi simthokozisile isinqumo sikamehlu- leli sokuqeda impi yakhe ngoba uDos ubemude nokwenza wangaba nemp embi.

VIBE FM
THOLA IVIBE 94.7 FM NOMA NGABE IKUPHI LA UKHONA
ETHEKWINI'S TOP INFORMATIVE RADIO STATION OF CHOICE

VIBE FM MOBILE APP
Click the link on our Facebook bio

[@Vibe94.7FM](#)

GET IT ON Google Play

Sign up on the app and be part of the vibe fm family. POWERED BY **FARTK**

KUZODIDEKA ABATHANDI BEZINCWADI KUTHELEKA UMKHUMBI I-LOGOS HOPE ETHEKWINI



LINDOKUHLE NGCOBO

KUZODIDEKA nabo abathandi bezincwadi omkhulu kunayoyonke emhlabeni, iLogos Hope, eThekwini ngemumva kweminyaka eyi-8, lo mkhumbi uzoma echwebeni laseThekwini, iNelson Mandela Cruise Terminal kusukela mhla ziyisi-8 kuNhlaba kuya zingama-2 kuNhlanguvana. Ngesikhathi sombukiso wezincwadi.

I-Durban Tourism izosebenzisa leli thuba ukwenza umkhankaso ngezinto ezithokozisayo ezizokwazi ukuqhakambisa iTheku njengendawo esezingeni lomhlaba kwezokuvasha.

Abathandi bezincwadi abazovakashela i-Logos Hope bazokwazi ukukhetha ezincwadini ezingaphezu kuka 5 000 ezihlanganisa isayensi,

ezemidlalo, izinto zokuzilibazisa, ukupheka, ubuciko, imithi, izilimi, kanye nokholo ngentengo ethengekayo.

IMeya kaMasipala weTheku uKhansela Mxolisi Kaunda uthe ukufika kwalomkhumbi kuyizinkomba zokuthi ukutshalwa kwezimali okwenziwe ngokunwetshwa kwechweba laseThekwini sekunzithelo ezinhle futhi sekuheha abagibeli abaningi bemikhumbi eDolobheni.

“Kusukela ngoNovemba 2023 kuze kube manje, sesibe nemikhumbi engaphezu kuka-30 ema eNelson Mandela Terminal esanda kwethulwa. Silindele ukuthi amanani akhule njengoba kulindeleke imikhumbi ecishe ibe yisikhombisa ngoMeyi, kanti u-Artania ungowokuqala ukufika

ngomhlaka-7 Meyi. “ kusho IMeya Kaunda.

UKaunda uthi phakathi nesikhathi sikaNovemba 2023 kuya kuMbaso wezi-2024, imininingwane ikhomba ukuthi iTheku lamukele izivakashi ezingaphezu kuka-30 000 ezezela emikhunjini evakashela iTheku, ngaleyo ndlela zibe negalelo elikhulu emnothweni wakuleli njengoba izivakashi zichitha imali engaphezu kuka-US100 dollars uma bekhona.

I-Logos Hope izovulwa ngoLwesibili kuya ngoMgqibelo kusukela ngo-11am kuya ku-8pm. NgamaSonto bazovula ngo-1 emini bavale ngo-8 ebusuku. Ivalwa ngoMsombuluko. Imali yokungena ngu-R10 umuntu ngamunye. Izingane ezinga-

phansi kweminyaka engu-12 nabadala abangaphezu kweminyaka engu-60 ubudala bangena mahhala.

UMBukiso Wezincwadi uzovulelwa ukuvakasha kwezikole kusukela mhla zingama-24 kuNhlaba kuya zingama-2 kuNhlanguvana. Konke ukuvakasha kufanele kubhukhwe kusengaphambili. Ukuhlela ukuvakasha kwezikole kusenesikhathi, kuyacelwa ukuba zisebenzise isixhumanisi esilandelayo: <https://forms.office.com/r/9TkZci1BgF>, noma okunye, i-imeyili: logoshope.durban@gbaships.org Ukuze uthole ulwazi olwengeziwe, abantu bangavakashela i-Logos Hope ezinkundleni zokuxhumana. amapulatifomu.com.

P3



U-Allinit no Ubusisiwe Zondi ophumelele ku Best News Editor kwi Mzansi Community Media and creatives Awards

P6



Igantsha le-UCCSA lase Nanda nohlelo lwe career days

P7



Ixhoxwa ngezithombe eyase John Dube high school, Umnu Linda Mbonambi uphathi we ABM ngaphansi komaspal wethuku, kanye nezincubuthwane zomcimbi.



GEL & ACRYLIC NAILS

WIGS BRAIDED TO FIT YOUR HEAD FROM AS LITTLE AS R100 ALL TYPES OF BRAIDS TO SUIT YOUR NEED



Hair services:

Cut/Style, Man/Women hair cut, Micro Braids, Havan twist, Box brain, Twist & bonding

CALL / WHATSAPP US ON 067 222 8219



SPECIAL SALE WHILE STOCK LAST



KAZ'YOZALA NKOMONI KULOLUKHETHO LWAKULONYAKA



ZINHLE CEBEKHULU
UMHLELI



KHWEZI NGCOBO



LINDOKUHLE NGCOBO

CONTACT US

060 480 3365

48 BUHLAKANI ROAD, NTUZUMA

INKUNDLAYEZINDABA1@GMAIL.COM
WWW.INKUNDLAYEZINDABA.CO.ZA



Iphaphandaba inkundla yezindaba iphepha lomphakathi elibika izindaba eziyiqiniso, ngokuthembeka nangokungakhethi hlangothi. Sizokwethula izindaba eziphelele ngendlela ebonelela zonke izinhangothi ngaphandle kokuchezuka eqinisweni ngamabomu noma ngokunganaki.

LINDOKUHLE NGCOBO
Ngemuva kokuthi amaqembu ezombusazwe enze imibuthwano yokwethula umqulu wezethembiso zawo zokhetho lukazwelonke, oluzokuba NgoLwesithathu womhlaka-29 May. Iphephandaba Inkundla Yezindaba libuyekeza imiqulu yezethembiso zamaqembu epolitiki ngokwehlukana kwawo, ngehloso yokubheka ukuthi ikuphi okungalindeleka okhethweni lwakulonyaka, ngemuva kweminyaka engamashumi amathathu (30) elakuleli lathola intando yeningi. Umqulu wezethembiso zokhetho ezenziwa iqembu Abantu Botho Congress (ABC) ngomlomo kaMengameli walenzangano uMnu Philani Mavundla. Ethula izimiso ze-ABC uMavundla eStation Urban Event Space eThekwini, NgoMgqibelo womhlaka-13 April, wathembisa abahlali besifundazwe iKwaZulu-Natal (KZN) ukuthi lesifundazwe sizozimela. Ngokwaleliqembu lifuna umhlaba wabamnyama ubuyele kwabamnyama, ulimi LwesiZulu kube ilona oluhamba phambili ngokusemthethweni kanye nokuthi i-KZN izimele ngokwezomnotho ngoba i-ABC ibona lesifundazwe sinazo zonke izidingongqangi ngaphandle kwesiphehli sikagesi esikhulu. I-ABC yaveza ukuthi abaqondile ukuxosha abantu abangesiwona AmaZulu, kepha lokhu kusho ukuthi uma uhlala e-KZN uzothathwa njengomuntu ongumZulu ngoba uzobe uhlezi endaweni yakwaZulu.

I-African National Congress (ANC) yathembisa abantu baseNingizimu Afrika amathuba omsebenzi ngesikhathi uMengameli waleliqembu uMnu Cyril Ramaphosa ethula umqulu wezethembiso enkundleni yezemidlalo iMoses Mabhida Stadium eThekwini, eyayi NgoMgqibelo womhlaka-24 February. Okunye okwavezwa i-ANC ukuthi izokwehlisa amanani aphezulu ezidingo zansuku zonke ngokwenza isiqiniseko sokuthi imihlo ihambisane nezindleko zempilo. Ukubheka umqulu we-Democratic Alliance (DA) owathulwa nguMengameli waleliqembu uMnu John Steenhuisen ngaphandle kwasezindlini zesishayamthetho ePitoli esifundazweni iGauteng, NgoMgqibelo womhlaka-17 February. uMengameli we-DA wathembisa abahlali baseNingizimu Afrika ukuthi uma leliqembu lingangena emandleni lizokhulisa isimo somnotho wakuleli, ngokwalenzangano ithi lokho kuzodala amathuba omsebenzi. I-DA yaphinda yaveza ukuthi izokubeka eqhulwini ukuvuselelwa kanyenkunakekelwa kwengqalasizinda ikakhulukazi amanzi nogesi, ngenhloso yokuqeda ukucishwa kukagesi kanye nokuqeda ukunqanyulwa kwamanzi ngenhloso yokunikeza abathize amathenda. USteenhuisen wathi inhlangano yakhe izimisele ngokulwa nenkohlakalo kanye nobugebengu, nesifundazwe esibenohlelo lwamaphoyisa oluzimele.

UKhongolose waphinde wenza isithembiso sokuthi uzoqhubeka ngokunakekela izimpilo zabantu ngokuba nemitholampilo esesimeni esifanelekile. I-ANC yagcizelela ukuthi izoqhubeka novikela intando yeningi, ukwakhona umphakathi onokuthula kanye nenkululeko.



SOUTH AFRICA
Izimiso zokhetho ze-Economic Freedom Fighters (EFF) ezathulwa nguMengameli waleliqembu uMnu Julius Malema enkundleni yezemidlalo iMoses Mabhida Stadium eThekwini, NgoMgqibelo womhlaka-10 February. UMengameli we-EFF waqala ngokuveza ukuthi inhlangano yakhe ayinazo izethembiso kepha inezinto ezozenza mangabe lidla umhlanganiso wokhetho. Phakathi kwezinto leliqembu elifuna ukuzilungisa ukubuyisa komhlaba kubantu baseNingizimu Afrika, ukusungula amathuba omsebenzi ukuze kuzosimama umnotho wakuleli kanye nokuqeda ukucishwa kukagesi. IUMalema waphinda wagcizelela ukubaluleka kwezidin

gongqangizansuku zonke zikhizwe izinkampani zakuleli ukuze abantu baseNingizimu Afrika bezothola imisebenzi. Uhlwa lwezethembiso zenzhangano i-Inkatha Freedom Party (IFP) ukulwisana nobugebengu, ukulwisana nesihlamva sokuhlukunyezwa kwabantu besifazane nezingane, ukusungula amathuba omsebenzi, ukwehlisa izindleko zempilo ukuze zizohambisana namaholo kanye nesimo somnotho wakuleli, ukuqeda ukucishwa kukagesi, ukuhlonipha amakhosi, ukunqinisa imithetho yokungena kuleli kanye nokulwa nenkohlakalo. Lezi zethembiso zathulwa nguMengameli we-IFP uMnu Velenkosini Hlabisa enkundleni yezemidlalo iMoses Mabhida Stadium eThekwini, NgeSonto lomhlaka-10 March. Inhlangano yezepolitiki entsha i-Rise Mzansi nezobe ingenele ukhetho okokuqala ngqa emlandweni nayo ayisalanga ngaphandle ekwethuleni izithembiso zokhetho. Umholi we-Rise Mzansi kuzwelonke uMnu Songezo Zibi nguyena owethule uhlwa lwezethembiso zeleliqembu ePitoli esifundazweni iGauteng, NgoMgqibelo womhlaka-20 January. Lenhlangano ithembisa ukudala amathuba omsebenzi, ukulwisana nobugebengu, ukubhekelela abazali abakhulisa izingane ngabodwana ikakhulukazi abantu abangomama kanye nokulwa nesihlamva sokusetshenziswa kwezikamizwa. UZibi waphinda wavezwa ukuthi bazimisele ukusebenzisana nomphakathi ukulungisa izingqinamba ezibhekene neNingizimu Afrika.

IMIMBONO YENTSHA MAYELANA NOKHETHO OLUZAYO LWAZWELONKE



Nokwazi Nhleko

Ngikulungele ukuvota kulolukhetho luka-2024. Ziningi izizathu izizongenza ngisukume ngiyovota mhlaka 29 kuNhlaba. Kubalulekile ukuthi ngiye okhethweni ngoba ivoti lami liyiphimbo lami. Uma ngivota, ngizoba nelungelo lokuzwakalisa imibono yami nezikhalo zami. Ngiyathemba ukuthi leliqembu engizolivotela lizoletsha ushintsho ngokwenyusa amathuba omsebenzi entsheni, lehlise izidakamizwa ezisabalele emalokishini eziphinde ziqhube ubugebengu emiphakathini esihlala kuwo. Leliqembu engizolikhetha lizozinqinisekisa ukuthi imfundo yamabanga aphakeme ibamahlala ezweni lonke jikelele. Ibisiqalile vele kwenzinye izindawo ukuqhuba imisebenzi yalo emihle nencomekayo. Leliqembu lizonqoba kuphele izinkinga zamanzi angcolile okuphuza ne nocishwa kukagesi.



Samkelo Nene

Njengoba kulonyaka kuyiwa okhethweni ngizovota, kuzobe kungokokuqala ngivota, ngizovote la ushintsho nje mhlampe elinye iqembu lingenza nenye intuthuko ngoba lo hulumeni okhona manje cha akunanqubekela phambili. Yebo uhulumeni uzamile ngokwenzela laba abangasebenzi izimo zokuphila ngokwenza izinhlobonhlobo zesibonelelo kodwa leyo icindezela laba abakhokha intela kakhulu igcine iya ngokukhuphuka lemali yentela umuntu ngamunye ayikhokhayo. Kuningi nje okonakele eMzansi Afrika imigwaqo engalungile edala izingozi, National road impela wonke nje impela la eMpumalanga ufana nokuthi uGravel. Kuningi nje impela okudinga ukulungiswa

Siza Msane

Mina ngu Siza wakwa Msane ..Ngizovota ngoba ngifisa ukubona ushintsho ezweni lethu.



Londeka Mchunu

Njengoba sibheke okhethweni, angeke ngivote ngesizathu sokuthi angijabulile neze ngokwenzeka ezweni esiphila kulo. Isibonelo amathuba omsebenzi awekho neningi labantu abafundile bahlezi emakhaya, amanzi kanye no gesi asinakho, iningi labantu abanazo izindawo zokufihla amakhanda. Ngakho ngesifiso sokuba uHulumeni enze okusemandleni ashintshe okuningi kulelizwe ukuze sivote ngezinhliziyi ezimhlophe.



Nkululeko Xulu

mina ngeke ngize ngivote ngoba uhulumeni akasisizi ngalutho into ayenzayo ukuthi ashiye izithembiso azi kahle ukuthi bngeke azifeze kunalokhosihlupheka kakhulu kunakuqala



Cebile Mthiyane

Mina ngeke ngize ngivote ngoba angigculisekile ngezethembiso ezenziwa ngamaqembu ezipolitiki. Balokhu bethi bezokwenza ushintsho njalo uma sekusondela ukhetho bacula ingoma eyodwa bonke uma sebekutholile abakudingayo bahambela kude nathi, kuze kube imanje alukho ushintsho olwenziwa nguhulumeni, kuze kube imanje sisephezulu isibalo sabantu abangasebenzi, ikukhwanisa kanye nobugebengu kusadlangile ezweni lethu.

UBEYIMPUMELELO OWOKUKLONYELISWA NGEZINDONDO I-MZANSI COMMUNITY MEDIA AND CREATIVES AWARDS

LINDOKUHLE NGCOBO

Injabulo kukoklonyeliswa abasemkhakheni wezindaba zomphakathi emcimbini wezindondo iMzansi Community Media and Creative Awards obuwenzeka okokuqala ngqa e-INkosi Albert Luthuli International Convention Centre eThekwini, NgoLwesihlanu womhlaka-12 April. OnguMhleli walomcimbi uNks Zinhle Cebekhulu weMangethe Media, uveze ukuthi inhloso yokusungula iMzansi Community Media and Creative Awards ukubona isikhala sokungabungazwa kanye nokungaqhakanjiswa komsebenzi owenziwa ngabezindaba zomphakathi. “Ngithanda ukubongela bonke abebekade beqokiwe kulomcimbi wemiklomo yezindondo, abanqobile izindondo kanye nabanganqobanga. Ngicela bazi ukuthi ukuqokwa kwabo kusho ukunqoba kanye nokubonakala komsebenzi wabo omuhle abawenzayo emphakathini.



Esithombeni abaphumelele baklomelelwa emkhakheni wezindaba zomphakathi emcimbini wezindondo iMzansi Community Media and Creative Awards

Baqophe umlando wangunaphakade ongeke usuke ezinhlizweni zethu nasezingqondweni zethu ngokunhlinzeka umphakathi ngolwazi olufanelekileyo “Kusho uCebekhulu. Eqhuba lomhleli ubongele bonke abezindaba abahlabene ngezindondo kulomcimbi. Wathi lokhu kusho ukuthi umsebenzi abawenzayo uyabonakala ngakho kumele beqhuba

keke nokwenza umsebenzi wabo ngokuzimisela kanye nokwethembeka emphakathini. Sebebonke abanqobe kowe-Mzansi Community Media and Creative Awards chor: Thabani Maphumulo Best TV Presenter: Simangele Chirwa Best Videographer: Thulani Mbewe Best News Reader: Khanyisile Zwane

Best Field Reporter: Nelisive Magwaza Best Sport Reporter (Radio): Tracy Makhanya Best Female Presenter: Ndoni Ngobese Awards ilaba: Best News AnBest Gospel Presenter: Thulani Gumbi Best Maskandi Presenter: Nhlanhla Ngwenya Best Sales Rep: May-Ann Moodley Best Graphic Designer:

Bafana Tembe Best Station Manager: Lucky Dlamini (Vibe FM) Best Reporter (Print Media): Zethu Phoswa Best Sport Reporter (Print Media): Sihle Ngubo Best News Editor: Busisiwe Zondi Best Editor: Nkosinathi Mkhabela Best Layout Publication: KZN Namuhla Community Newspaper Best Publication: Sivubela Intuthuko Best Front Page: Phumelela Newspaper Best Printers: Rising Sun printers Best Publisher: Makhosi Mngoma Best Online Publication: Umbele Online Best Blogger: Sandile Nene Best Social Media Handler: Nomthandazo Magoso Best Newcomer: Lindokuhle Ngcobo Best Advertiser: Rising Sun Lifetime Achiever: Sheila Mhlongo Best Customer Service: Kas Naidoo Best Media Consultant: Mbali Dhlomo

I-RISE MZANSI YETHULE UHLELO OLUBIZWA NGE-‘PHAKAMA KZN’

LINDOKUHLE NGCOBO

Bafuna kubenzinzo ngokuthi kuqiniseke ezokuphepha esifundazweni iKwaZulu-Natal (KZN), lokhu kuveze inhlangano yezombusazwe i-Rise Mzansi ngesikhathi yethula ngokusemthethweni umkhankaso obizwa nge-‘PHAKAMA KZN’. Lomkhankaso waleliqembu wethulwe NgoLwesine womhlaka-18 April, eStation Urban Event Space eThekwini, liveze ukuthi inhloso yawo ukutakula abantu base-KZN. kulesifundazwe Ethula inkulumo yakhe umholi we-Rise Mzansi eKZN nophinde agaqele esokuba nguNdunankulu kuzo uNkk Nonkululeko Hlongwane-Mhlongo



uveze ukuthi inkinga ehamba phambili kwabantu kulesifundazwe kungenxa yokubaphezulu bezinga lobugebengu. ”Nizizwa nizingaphephile emgwaqeni, nizizwa ningaphephile emakhaya, aniphephile emsebenzini nasemphakathini esihlalo kuyona, lenkinga ikhungethe izwelonke. Siyi Rise Mzansi KwaZulu-Natal sizokweseka izinhlangano ezibhekela ezokuphepha emphakathini ezifana no-CPF, siphinde siqinise iminyango kahulumeni yezokuphepha. Njalo uma ngiseMlazi kukhalwa ngobugebengu

anikwazi ukuhamba emgwaqeni eMlazi, eMthwalume emakhaya kukhalwa ngobugebengu, KoMandeni kwaDukuza kukhalwa ngobugebengu, isinyathelo sethu sokuqala ukuthi sikiphe abaholi abayizigebengu kulesifundazwe” kubeka uNonkululeko. Eqhuba uMholi walenhlangano uthe ezinye zezinto abazozenza ukudala amathuba omsebenzi kuzona zonke izindawo kanyenokuqeda umbandela othi umuntu mangabe esedlule eminyakeni yobudala engu-35 makangabe esaqashwa.

“Isikhathi esiningi uma sikhuluma ngamabhizinisi omama abadayisa emgwaqeni sibashiya ngaphandle kanti ibona abasebenza kanzima abafundisa izingane ezikoleni bephinde bondle imindeni. Siyi Rise. Mzansi sizokwenza isiqiniseko sokuthi bathola uxhaso olubafanele kuhulumeni, sobaxhasa ngokwenza isiqiniseko sokuthi bathola ugesi namanzi nayo yonke ingqalasizinda abayidingayo” kusho uHlongwane-Mhlongo.

Phakathi kwezinto ezithenjwe ileliqembu, liveze ukuthi lizokweseka abantu abaphila ngokukhumbazeka kanye nokunikezela ngoxhaso kwizinhlangano ezingenzi nzuzo ngoba zibamba iqhaza emphakathini. Lenhlangano iphinde yaveza ukuthi izolwela ukuthi kushintshwe imfuno yakuleli, ikhala ngokuthi iqeqesha abasebenzi kanti kumele ikhiqize abasunguli bemisebenzi.



Just 4 You

Just for Ethekwini

200GB Data for **R299**

100GB Anytime | 100GB Night Owl.

Dial *123*4# to get more Data for Less

I-UCCSA YASENANDA NOHLELO LOKUFUNDIS'ABAFUNDI NGEMISEBENZI YOKUZIPHILISA



abanye abamfundi abebeyinxenye yalehlelo lokuchazela kabanzi abafundi ngemisebenzi abangayifundela (Career Exposure)

LINDOKUHLE NGCOBO

Lenze okungajwayelekile ibandla lezenkolo i-Congregation Church of South Africa (UCCSA) yaseNanda ngesikhati iqhuba uhlelo lokuchazela kabanzi abafundi ngemisebenzi abangayifundela (Career Exposure) ngemuva kokuphuthula ibanga lesi-12. Lomcimbi wokuqhuba loluhlelo ubusin

gethwe ngaphakathi emagcekeni ebandla i-UCCSA, eNanda, NgoMgqibelo womhlaka-20 April, ngenhloso yokunikeza abafundi ulwazi oluzoba siza ukuthi ikuphi okumele bakufunde ngemuva kokuphuthula umatikuletshe kanye "nezinyathelo okumele bezithathe ukuze bezongena ezikhungweni zemfundo ephakeme.

Echaza uPhumlani Myeza ongumphathi wabantu abasha e-UCCSA uthe ukufundisa abafundi ngemisebenzi kubanizeka ulwazi lokuthi kumele bephase kangani ukuze bezokwazi ukungena ezikhungweni zemfundo ephakeme. Ingakho bebize abasezikhungweni zemfundo ephakeme uqobo, njengoba besine Durban University of Technology (DUT), University of KwaZulu-Natal, MANCOSA, Berea Technical College, Elangeni Technical College, Mangosuthu of Technology (MUT) kanye ne

University of Pretoria (UP). Besibize nezinkole zomphakathi ngoba loluhlelo aluvulelekile kubantu abakhonzayo kuphela, luvuleleke nasemphakathini ngoba ibandla elomphakathi kanti nomphakathi owebandla." Kusho uMyeza.

UPhumlani uveze ukuthi uyafisa ukuthi loluhlelo lokufundisa abafundi ngemisebenzi abangayifundela lwenzeke minyaka yonke. Wathi sebenobudlelwano obuhle nezinye zezikhungo zemfundo ephakeme kanti kwezinye zazo abakabinakho ubudlelwano obuhle.

UMyeza ucele izinkole ukuthi kokuzayo zisebenze ngokubambisana nebandla i-UCCSA ngokuthi zidedele abafundi ukuzokwethamela lomcimbi. Iminyango kaHulumeni ebiyinxenye yokufundiswa kwabafundi ngemisebenzi, uMnyango wezokuQashwa nabasebenzi ochazele abafundi ngokuthi itholakala kanjani imifundazwe, uMnyango wezemfundo

ephakeme kanye noMnyango wezemfundo ofike waveza ukubaluleka kokufaka abafundi bebanga lika-9 kulelohlelo. "Abafundi ababeyinxenye yaloluhlelo ilaba abenza ibanga lika-11 nelika 12, umnyango wezemfundo usifundisile ngokuthi sifaka nabafundisi bebanga lesi-9 ngoba ilapho umfundi akwazi ukubona izifundo azozikhetha kwibanga lesi-10. Ngeke sikubalekele ukuthi imfundo ingukhiye wempumelelo, okwethu njengebandla ukudlulisela ulwazi ingakho simeme zonke izikhungo zemfundo ephakeme kanye nezinhlelo zikahulumeni" kuchaza uPhumlani.

Kuvele ukuthi loluhlelo belunabafundi abangaphezulu kuka-200, ibandla i-UCCSA liyathemba ukuthi loluhlelo lizobanomthelela omuhle ekwakheni isizwe esiyaphambili kanye nokuqeda ukuduma kabi kwendawo yaseNanda ehlezi inezigameko ezimbi.

Truck for hire....



Furniture Removals, Collection, Deliveries, office re-locations, storage removals. All Goods transportations.

Contact: Gresham - 081 347 9733 try us!!!!!!

AMAFILIMU ASE AFRICA AZOBE ESINA EDEDELAN KWI-DURBAN FILMMART 2024



ZINHLE CEBEKHULU

I-Durban FilmMart Institute (DFMI) yethula ngokuziqhenya uhlelo lwayo lwesihlandla lamashumi nanhlanu lomcimbi waminyaka yonke, i-Durban FilmMart (DFM),

onesihloko esithi "African Visions Unleashed: From Disruption to Accountability," okulindeleke ukuthi wenzeke kusukela mhla ziyi-19-22 July, 2024.

uMagdalene Reddy, umnqondisi weDurban FilmMart Institute, uthe kulonyaka sizongxila ekunikeni ithuba abenzi bamafilimi kanye nabasebenzi balemboni inkundla yokwabelana ngolwazi nezixhoxo lapho bezokhuluma ngezinqinamba ababhekana nazo nsuku zonke, siphinde sibaxhumanise, sibafundise ngokubaluleka nokukwikelwa kwe-IP, amalungelo amaciko nomenzi

wefilimu, izindaba zabasebenzi. Ukulingana emsebenzini, izimiso zokuziphatha, kanye nomthelela wokushintsha kwesimo sezulu ekukhiqizeni ifilimi.

"Kulo nyaka, sihlolose ukugqamisa indima ebalulekile kulomkhakha, ifilimu ingaphezu kohlobo lobuciko noma ibhizinisi. Sizoba nezihlelo ezahlukahlukeni okuhloswe ngazo ukukhuthaza ukusebenzisana nokukhiqizwa komsebenzi oyikwalithi eliphezulu futhi lunikeze imininingwane ebalulekile ngenqubo yokwenza ifilimu." kunezela uReddy. Izingxenye ezibalulekile

zohlelo zizofaka amaphrojekthi ezinganekwane, amadokhumenti, kanye nawo popayi asathuthukiswayo, akhonjiswe ku-Pitch and Finance Forum. Ukwengeza, uhlelo lwemboni ye-DFM luzokwethula izinkulamo ezisemqoka, amakilasi aphezulu, izingxoxo zamaphaneli, kanye namasu okucabanga. i-DFM 2024 iyaqhubeka nokugubha ukwanda kwemboni yamafilimu e-Afrika. Ukuze uthole ulwazi olwengeziwe kanye nokubhalisa, sicela uvakashele iwebhusayithi esemthethweni ye-Durban FilmMart: <https://durbanfilmmart.co.za>.

SISEKUNDLENI YAMANCIKO NO POISON SON



UThokozani Mhlongo umculi/ umbhali

Imbongi yezinkondlo uPoison Son, ohaya izinkondlo ezihamba nomculo, neziletha ithemba. kulenyanga uPoison Son uyena osenkundleni yamanciko.

Ubani igama lakho? Wazalwa nini futhi uzalelwa kuphi?

Igama UThokozani Mhlongo Owaziwa ngo Poison Son endimeni yomculo owazalelwa ethekweni wakhulela endaweni yase Showe.

Chaza uhlobo lomculo owudlalo.

Poison Son wenza umculo we hip hop/Rap kanye ne poetry.

Ngabe leli siko lomculo lihlobana kanjani nesiko lakho?

Usikh nomculo wami uhlobana kanje I rap/hip hop (Rythm and poetry) Lokhu kusho insimbi nenkondlo okusho ukuthi siyahaya sizimbongi futhi akekho muntu ongazi kuthi ubumbongi nezi nkondlo sazinazo emandulo.

Ingabe zikhona izikhathi ezithile emphakathini wakho lapho abantu bedlala futhi belalela loluhlobo lomculo? Uma kunjalo, uyake udlale ngazezi zikhathi noma kuyoleyo mncimbi?

Yebo lolu hlobo lilalelwa kakhulu emphakathini abadala nabasha. Ngike ngidlale emicimbini eyahluka hlukene ngoba lomculo engiwezayo ungenayo yonke ndawo njengase hall omphakathi nasezindaweni zokuncebela.

Ufunde kanjani ukudlala (ukucula) lolu hlobo lomculo?

Angifundanga isiphiwo engasiphiwa umdali kanye nothando lokufundisa nokuxayisa nokududaza abantu, lento yaqala ukubonakala ngezinkondlo ngase

ngiqhubeke ngiyi mixer nama sound ngendlela Ye hip hop.

Wawuneminyaka emingaki uqala ukucula? Ngabe umndeneni wakho wakuthokozela ?

Sekuyisikhathi impela ngikhona kuledima. futhi nomndeneni wami uyangeseka kakhulu. yize noma indlela ingekho lula.

Yini lena ngalolu hlobo lomculo eyenza uhluke kwezinye izinhlobo?

Indlela engicula ngayo nanokwenza kwami izingoma kuhlukile.

Ingabe zikhona ezinye izitayela zomculo ozenzayo?

Yebo ikhona eminye imiculo engiyenzayo njenge Afro pop and Rnb.

Ingabe bakhona abanye kule ndawo abadlala uhlobo olufanayo lomculo?

Yebo zikhona uyakhona ukuthi uwenze ngendlela yakho ehluke ngoku mixer ama sound noma usebenzise amazwi kuphela (acapella)

Ingabe kukhona okunye ongathanda ukukwengeza ? Njengoba

ngiyiciko ngikukhonzile ukubhala amculo akhuluma ngento eyenzakalayo ezweni aphinde abe umculo ohlelekile sengiphetha, izingoma zami ziyatholakala kuwo wonke amaplatform omculo nasezinkundleni zokunxumana. ngiyacela banqubeke nokungeseka nokulandela umculo wami, baphinde banginxhase.



IThekultalks



NGO - 2030 I THE KU LI YO BE L I N G U N G Q A P H A M B I L I

UKWABIWA KWESABELOMALI KUMAYUNITHI KAMASIPALA

NJENGOBA isabelomali esihlongozwayo sika-2024/25 sesethuliwe emhlanganweni woMkhandlu wakamuva, uMasipala usuqale uhlelo lokubonisana nababambiqhaza abehlukene ngalesi sabelomali ngaphambi kokuba siphasiswe. Isabelomali esihlongozwayo siwuR67.3 billion, okuhlanganisa isabelomali sokusebenza sikaR59.7 billion nesabelomali esibizwa nge-capital budget sikaR7.6 billion.

1 ISABELOMALI SEMISEBENZI YEYUNITHI YAKWACLEANSING AND SOLID WASTE SIKA-R2.2 BILLION

Kwisabelomali esihlongozwayo sika2024/25, uMnyango wokuQoqa Udoti (CSW) unendima enkulu oyidlalayo ukugcina izindawo zethu zihlanzekile. Ngesabelomali sokusebenza sika-R1.9 billion, okubalwa no-R166 million wokunakekela nokulungisa ingqalasizinda, sikwazi ukuhlinzeka amasevisi emizini engaphezu kwesigidi. Isabelomali samaphrojekthi amakhulu sika-R368 million sizogxila ezimotweni zokuthutha udoti nezindawo zokulahlala udoti eBuffelsdraai naseShongweni. Izakhamizi zingalindela ukwenyuka kuka-8% kumath-arifu, kanti emabhizinisini azonyuka ngo-9%.

2 IYUNITHI YAKWAENGINEERING YABELWE ISABELOMALI SEMISEBENZI SIKA-R3.9 BILLION

IYunithi yoNjiniyela (Engineering) ihlinzeka imisebenzi ebalulekile ehlobene nokwakha nezindawo, ukunakekela imigwaqo, unqenqema, nemisele yamanzi emvula. Ngesabelomali sokusebenza sika-R2.5 billion, sekubalwa no-R684 million wokulungisa nokunakekela ingqalasizinda, iYunithi iqinisekisa ukugcinwa kahle kwengqalasizinda. Isabelomali samaphrojekthi amakhulu siwu-R1.4 billion.

3 IYUNITHI YAKWAHUMAN SETTLEMENTS YABELWE ISABELOMALI SIKA-R1.45 BILLION

IYunithi yeZindlu (Human Settlements) ibhekele ukuhlinzeka kwezindlu ezintsha nokulawulwa kwamahostela nezindlu eziqashisayo. Ngesabelomali sika-R1.45 billion, sekubalwa nesabelomali sokusebenza sika-R631.2 million nemali yamaphrojekthi amakhulu ewu-R825 million, iyunithi ihlose ukwakhaizindlu ezintsha eziwu-1 638 onyakeni wezimali ka-2024/2025 nakuba kunokukhula kwezindleko zokwakha.

4 I-CLUSTER YEZOMPHAKATHI NEZIMO ESIPHUTHUMAYO YABELWE ISABELOMALI SIKA-R7.4 BILLION

UMnyango obhekele ezoMphakathi neZimo eziPhuthumayo uhlizeka imisebenzi ephathelene nezempilo, amapaki, ezokungcebeleka, nezokuphepha, futhi uqaphe izakhiwo eziningi. Ngesabelomali sokusebenza esiwu-R6.7 billion, kuqinisekiswa ukuthi kunabasebenzi abenele. Ngaphezu kwalokho, kuphinde kube nenye imali ewu-R153 million yoku-lungisa nokunakekela ukuze kuqinisekise ukuthi kugcinwa kahle ingqalasizinda. Isabelomali samaphrojekthi amakhulu siwu-R714 million.

5 UMNANGO WEZOKUTHUTHA ETHEKWINI (ETA) WABELWE ISABELOMALI SIKA-R2.3 BILLION

UPhiko olubhekele ezokuThutha eThekwini (ETA) lwenza imisebenzi ephathelene nezokuthuthwa komphakathi eDolobheni. Ngesabelomali semisebenzi ejwayelekile sika-R1.56 billion nesamaphrojekthi amakhulu sika-R754.9 million, i-ETA iphinde ihlinzeka uhlelo lweDurban Transport nolwePeople Mover. Imali yamaphrojekthi amakhulu izosetshenziswa ezinhlelweni zokulawula ukuhamba kwezimoto nezinhlelo zeGo!Durban IRPTN, phakathi kokunye.

6 ISABELOMALI SEZOKUTHUTHUKISWA KOMNOTHO SIKA-R2.1 BILLION

Kwandiswa utshalomali olubhekele ingqalasizinda ukuze sakhe izimo ezivumela amabhizinisi, eziheha abatshalizimali abasha nokulekelela ukukhula komnotho. Isibonelelo iNeighborhood Development Partnership Grant sizosetshenziswa ukuthuthukisa ingqalasizinda yezomnotho ezindaweni ezin-gathuthukisiwe ngokwanele ukuze kugqugquzelwe ukutshala kwezimali emkhakheni wamabhizinisi azimele. Kusagxilwe ekuthuthukisweni kwamalokishi, ukuvuselelwa kwenkaba yedolobha, ukulungiswa kwezimboni, ukuheha ezokuvakasha, izinhlelo zokweseka imikhakha ethile, nezinhlelo ze - LED njenge-ICT nobuchwepheshe bukagesi ovuselelekayo.



AMAPHROJEKTHI OKUDALA AMATHUBA EMISEBENZI

Nakuba ikhona inqubekelaphambili, sisazibophezele ekudaleni amathuba emisebenzi, sigxile kakhulu ekuthuthukisweni kwentsha. Lokhu kubandakanya izinhlelo ezifana neSihlanzimvelo okuwuhlelo lokukhuculula imihosha oseludale imisebenzi engaphezu kuka-840, uHlelo iZibambele oseludale imisebenzi engaphezu kuka-7 300, amathuba emisebenzi awu-450 emicimbini yaseMoses Mabhid Stadium, abantu abawu-2 600 abahlomule ohlelweni lokudala amathuba emisebenzi lukaMengameli, imifelandawonye ewu-264 yokusikwa kotshani onqenqemeni, abasizi abawu-167 abaqashwe ezindlini zangasese zomphakathi, opulamba abawu-1 584 abashintshanayo ngomsebenzi, osonkontileka basemphakathini abawu-475 abasebenza kumaphrojekthi asemakhaya okulethwa kwamanzi nokuthuthwa kwendle, nabantu abawu-887 abaqashwe yiYunithi yakwaCleansing & Solid Waste ngaphansi kwesibonelelo soHlelo Lwemisebenzi Yomphakathi (EPWP), ngesamba sika-R60.8 million lapho abantu bekhokhelwa u-R100 ngosuku (u-R50 uvela kuMngcinimafa kaZwelonke). Uhlelo lwamaSoup Kitchens njengamanje luphakela cishe abantu abawu-550 abahlomulayo ngosuku endaweni ngayinye, kanti zingu-87 izindawo ezisebenzayo. Nakuba sekuhanjwe ibanga elibonakalayo, zisazokwandiswa lezi zindawo zifinyelele kwezingu-94 onyakeni ka2024/2025.

Isabelomali salolu hlelo sika-2024/2025 siwu-R137 million, owabelwe ukuthenga igilosa, isinkwa, igesi, nesibonelelo sabasebenzayo. Kukhona namavolontiya aqapha amasayithi kanti nawo athola isibonelelo semali yokugibela nezindleko zokuphila.

IZINHLELO ZAMAPHROJEKTHI AMAKHULU

Amaphrojekthi amakhulu kulesi siKhathi sokuSebenza kweziMali (MTREF) sika2024/2025 ngawokuphucula ukuhlinzeka kwezidingo, ukwakha izimo ezivumela ukuthuthukiswa komnotho, nokuvuselelwa kwengqalasizinda okubakwa kuwona:

- Ukunwetshwa/Ukulungiswa Kweziphelhi Zamanzi Angcolile: R2.4 billion
- Ukwakhiwa Kwezindlu Zikahulumeni Nengqalasizinda: R2.5 billion
- UMnyango Wezokuthutha eThekwini (ETA) (okubalwa nePTIS): R2.3 billion
- Ukuthengwa kwamabhisi amasha: R298 million
- Ingqalasizinda kagesi: R2.1 billion
- Ukubhekelela ukusilela kwizinsiza zomphakathi: R2.3 billion
- Ukulungiswa kwemigwaqo nokwakhiwa kwemigwaqo emincane emisha: R1.7 billion
- Ukuhlelwa Kwentuthuko Ngokwezindawo: R338 million
- Uhlelo Lokulwa Nokumoseka Kwamanzi Nokushintshwa Kwamapayipi Amanzi: R3 billion

- Kuno-R728 million wamaPhrojekthi Emisebenzi Emikhulu abalulekile ekuheheni utshalomali lwangaphandle oluza ngqo eDolobheni.

ISABELOMALI ESIHLONGOZWAYO SIKA 2024/25 - UKWENYUKA KWAMATHARIFU OKUHLONGOZWAYO

UGESI

Ngenxa yokuthi u-Eskom wenyuse amatharifu awo kagesi owumthamo ngo-12.72%, kulesi Sabelomali Esihlongozwayo sika 2024/25 siphakamisa ukuthi amatharifu enyuke ngo-14% kwizakhamizi namabhizinisi ngokufanayo.

AMANZI

Ukwenyuka kwesabelomali kubangelwe ikakhulukazi wukuthi Umgeni-uThukela Water Board wenyuse amatharifu amanzi awumthamo ngo-9.5%. UMasipala uphakamisa ukuba amatharifu enyuswe ngo-14.9% kwizakhamizi namabhizinisi ukuze siqhubeke nokuthola amanzi futhi sibe nawo amanzi nangomuso.

IMIZI

Kuphakanyiswa ukuba amareyithi emizi enyuswe ngo-7.9%. Lawa mareyithi akhokhela amasevisi ehlukene kaMasipala, okubalwa ezobunjiniyela, ukuphepha komphakathi, ezokuthutha, ezomphakathi nezimo eziphuthumayo, ukuhlaliswa kwabantu, nemisebenzi yokuthuthukisa umnotho

UMBONO KAMASIPALA WETHEKU

Ngo-2030 uMasipala weTheku uzobe usuyiDolobha elihamba phambili e-Afrika lapho zonke izakhamizi zizobe ziphilisana khona ngokuthula. Lo mbono uzofezwa ngokuthi kuthuthukiswe umnotho kuhlangukshwane nezidingo zabantu ukuze zonke izakhamizi zithokozele impilo esezingeni eliphezulu nokuthola amathuba ngokulingana eDolobheni ezizokwazi ukuziqhenya ngalo.



OWE-INANDA TDI TOURS NEZINHLOSO ZOKUQHAKAMBISA ITHEKU

LINDOKUHLE NGCOBO

Uzichaza njengomuntu othand'abantu usomabizini osemkhakheni wezokuvakasha uSizwe Lande ongumnikazi wenkampani Inanda TDI Tours ezinze eNanda eNyakatho neTheku. Lenkampani egxile kwezokuvakashi ihlizeka izivakashi kanye nabahlali ngethuba lokuqwalaba intaba, ukushova amabhay isekili kanye nokufundisa ngezindawo zokuvakasha ezimqoka eThekwini.

“Ngithand'abantu isifiso sami ukubona bonke abantu benzakahle empilweni. Ngifisa ukuba isibonelo esihle kubantu abasha njengabantu bakhona lana eNanda ngokubakhombisa ukuthi kuyenzeka akuyi ngokuthi uzalwa ubani. Imali esemqondweni uyakwazi ukuyenza ngezandla” kusho uSizwe.



uSizwe Lande ongumnikazi wenkampani Inanda TDI Tours ezinze eNanda

Eqhuba losomabizini uthe ufuna ukuvulela abanye abantu iminyango njengoba kwenzeka nakuye. Waveza ukuthi isifiso sakhe esikhulu ukubeka ebalazweni indawo yaseThekwini

ukuze kuzokhula isibalo sabantu abakavakashele loMkhandlu. ULande ukholelwa ekutheni iTheku liqukethe konke kwezokuvakasha ngakho kumele lihlezi lisingethe izivakashi eziningi.

Inanda TDI Tours ayigcini ngokusingatha izivakashi njengoba iphinde ifundise abantu baseNanda ngokuthi bazi kangcono indawo abahlala kuyo.

“Eminyakeni emihlanu ezayo ngingathanda ukubona inkampani yethu inendawo yayo, emqondweni wami nginesithombe salokho. Ngike ngazama ukuthola indawo kodwa kuhlezi kunabantu abavalayo. Besifuna ukwakha indawo yethu khona lapha eNanda bese sidayisela abantu impilo yakulendawo” kubeka uLande.

Ephetha uSizwe uthe beyi-Inanda TDI Tours bafuna ukusebenzisana nezikole ezinabafundi aben-

za izifundo zokuvakasha endaweni yaseNanda, ukuze bezofundisa labo bafundi ngezindawo zokuvakasha ezikulendawo. Wathi kubonakala kunokusalela emuva ngokuthi abantwana bebenglwazi lokwazi ezokuvakasha eziseNanda. Ezeseka ngelithi loluhlelo lokusebenzisana nezikole luzosiza abanye abafundi ngokuthi bekwazi ukuthatha lomkhakha wezokuvakasha beyokwenza iziqu zawo kongqondokulu.





COMBO SPECIAL BUSINESS PACKAGE

Beginner Package	Start Up Package	Starter Package	Ready Package	Constructor Package
Registration	Registration	Registration	Registration	Registration
BEE	BEE	BEE	BEE	BEE
Tax Registration	Tax Registration	Tax Registration	Tax Registration	Tax Registration
Tax Clearance	Tax Clearance	Tax Clearance	Tax Clearance	Tax Clearance
Share Certificate	Share Certificate	Share Certificate	Share Certificate	Share Certificate
	CSD registration	CSD registration	CSD registration	CSD registration
R700	R900	R1200	R1800	R2300

OUR SERVICES
 WEBSITE DESIGN, WEB DEVELOPMENT, SOFTWARE DEVELOPMENT, LETTERHEAD, POSTER, FLYER DESIGN, BUSINESS CARDS DESIGN, PAMPHLET DESIGN, DIGITAL MARKETING SERVICES, COMPANY VIDEO ADVERT, MARKETING STRATEGIES CONSULTATION, EMAIL HOSTING, DOMAIN REGISTRATION, WEB HOSTING, SOFTWARE INSTALLATION & REPAIR, ANY GRAPHIC DESIGN ARTWORK

125 FLORENCE NZAMA STREET, CONVENTION HOUSE 3RD FLOOR, DURBAN 4001

0769066020 | www.allinit.co.za | info@allinit.co.za

KWETHULWE UHLELO OLUZOKWAKH'AMATHUBA OMSEBENZI



LINDOKUHLE NGCOBO

UNGqongqoshe Wezoqashwa neZabasebenzi kuzwelonke uMnu Thulasi Nxesi ngokubambisana noNdunankulu waKwaZulu-Natal uNkk Nomusa Dube-Ncube bethule ngokusemthethweni uhlelo i-Labour Activation Programme, e-Exhibition Centre eThekwini NgoLwesibili womhlaka-16 April.

Ekhuluma uNgqongqoshe uThulasi Nxesi uveze ukuthi ingqinamba ebhekene neNingizimu Afrika ukwintuleka kwamathuba omsebenzi, wathi lokhu kudonsela phansi lelizwe.


“Siyazi ukuthi ukuze kube nomsebenzi kumele isimo somnotho sikhule kodwa ukuze isimo somnotho sikhule kumele kubekhona abatshali zimali okuyibona abakwazi ukukhanda amathuba omsebenzi, kokunye sithi akwenziwe izinkampani ezizimele” kusho uNxesi.

Eqhuba UNGqongqoshe uthe intsha yakuleli ayiqeqeshiwe ngokwanele ngokwamakhono omsebenzi ingakho bewuhulumeni beqhamuke naloluhlelo i-La-


bour Activation Programm. Wathi loluhlelo luzokwakha amathuba omsebenzi angu-700 000 kanye nezinhlelo ezingu 49 zokuqeqesha intsha kanye nokusimamisa osomabizini abafufusayo.

“Sikubeke eqhulwini ukulwisana nenhlupheko kanye nokwentuleka kwamathuba omsebenzi. Ingakho siqhama nezinhlelo ezifana nalezi ezizoletha imisebenzi ehloniphekile emphakathini wakithi” kusho uNdunankulu waKwaZulu-Natal uNkk Nomusa Dube-Ncube.

Ephawula ngololuhlelo uNks Nonkululeko Mzobe wenkampani yabalimi iNgunvane yaseShowe ongomunye wabahlomulile, ugqogquzele abantu abasha ukuthi basukume bazithathe bengawayeki amathuba afana nalawa aqukethwe iloluhlelo. “Uhulumeni ukwazi ukukuxhasa uma ekufika kukhona okwenzayo, uma kuvela amathuba anjengalawa kubalulekile ukuthi sisukume sithole ulwazi ngoba kukhona nabanye osomabizini lana kuningi esizokuthola” kusho uNonkululeko.



KZN PEACE MONITORS
30 APRIL - 2 MAY 2024



LR EISA MEDIAMONITORING

MZANSI WISE MEDIA
Graphic Design and Printing

Refer One Customer and Get 30% Off

Other services
Photography - Videography and Business Marketing

<p>Logo Design</p> <p>Basic Logo - R250 Professional Logo - R350 Logo animation - R400 Renew Logo - R150</p>	<p>Poster Design</p> <p>Promo Poster - R180 Song cover - R70 Events Poster (with photos) - R200 CD cover - R350 Business Card - R120 Welcome Bord - R100</p>
<p>Banner & printing</p> <p>X Banner - R850 Pull Up Banner - R1050 Wall Banner - R3000</p>	<p>Calendar Design & Printing</p> <p>A4 Calender - R80 A3 Calender - R150 A2 Calender - R250</p>

ASK ME FOR MORE

Call/Whatsapp
061 673 9388



uMbeko Nzimade (comms Umgungundlovu District)



uMduduzi Mdluli owaye phethe uhlwlo

IXOXHWA NGEZITHOMBE EY-OMCIMBI WOKUQALA WEZ-IDODO ZE MZANSI COMMUNITY MEDIA & CREATIVES AWARDS. UMTHWEBULI WEZITHOMBE: uAllinit kanye Sbo Letjape



uSandy Nene Ophumelele kwi Best Blogger



uMary-Ann Moodly undle ophumelele ku Newspaper Best sales Rep



uZethu Phoswa Owaphuma phambili Kwi Best Reporter



uSihle Ngubo ophumelele kwi Best Sport presenter



Amadodakazi, Nabashana Bakwa Mkhize Ebezihlangene E Ma Office Kamaspala Wethuku I-Abm Zifundisana Ngevelaphi Y bongo Sabo Ziholwa Uzanele Mkhize Obehlele Umcimbi.



EZITHOMBE EYOMCIMBI WASE LANGA LIBALELE JOHN DUBE WOKU KLOMELISA OTHISA NABAFUNDI ABENZEKAHLE NGONYAKA ONDLULE

